



Gimnazijska 3, 71000 Sarajevo
Tel./fax: 21 66 85; tel: 44 26 99 – direktor; 20 35 67 – centrala

ETIČKI KODEKS PONAŠANJA NA STUDIJSKOM PUTOVANJU

Sarajevo, februar 2024. godine



Na osnovu člana 61. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj 36/10 i 4/11) i Pravila škole JU PRVA GIMNAZIJA SARAJEVO, Nastavničko vijeće JU Prve gimnazije Sarajevo na sjednici održanoj 03.11.2023. godine donosi

ETIČKI KODEKS PONAŠANJA NA STUDIJSKOM PUTOVANJU

Član 1.

Etičkim kodeksom učesnika na studijskom putovanju JU PRVA GIMNAZIJA SARAJEVO, propisuju se etička načela i pravila ponašanja kojih se trebaju pridržavati učenici, nastavnici i ostali učesnici u međusobnim odnosima i u odnosima sa drugim osobama s kojima ostvaruju kontakt u toku studijskog putovanja, a u skladu sa ličnim dostojanstvom i ugledom Škole.

Član 2.

Svrha Kodeksa je da se njegovim prihvaćanjem i dosljednom primjenom uspostavi kvalitetan nivo odnosa i kulture ophođenja među učesnicima studijskog putovanja, a u cilju razvijanja kulturnog ponašanja, komunikacije i sigurnosti svih učesnika studijskog putovanja, jačanja sveukupnog ugleda škole i kulture življenja uopće.

Član 3.

Prilikom organiziranja i realiziranja studijskog putovanja zabranjena je svaka vrsta diskriminacije zasnovane na spolu, rasi, seksualnoj orijentaciji, fizičkom ili drugom nedostatku, bračnom stanju, boji kože, jeziku, religiji ili vjerovanju, političkim ili drugim uvjerenjima, nacionalnom, etničkom ili socijalnom porijeklu, vezi s nekom nacionalnom zajednicom, imovinom, rođenjem ili prema nekom drugom satusu.

Član 4.

Terminološko korištenje muškog ili ženskog roda u ovom Kodeksu podrazumijeva uključivanje oba roda.

Član 5.

Svaki učesnik koji u organizaciji škole putuje na studijsko putovanje mora biti svjestan da za njega vrijede sve postavke Pravila škole i Kodeksa ponašanja učenika i nastavnika u školi, te njima propisana pravila pristojnog ponašanja i sankcije koje slijede za njihovo nepoštivanje.

Član 6.

U ostvarivanju principa ovog Kodeksa učesnici studijskog putovanja su dužni:

- doprinositi ostvarivanju odgojno-obrazovnih ciljeva i zadataka studijskog putovanja;



- profesori i vođa puta svakodnevno podnose izvještaje direktoru o dnevnoj realizaciji odgojno obrazovnog rada na studijskom putovanju;
- ponašati se u skladu s Pravilima škole i Kodeksom ponašanja učenika i profesora škole;
- na svakom mjestu čuvati svoj lični ugled, ugled svojih školskih kolega, profesora, razreda i Škole;
- njegovati prijateljske odnose i uvijek pokazivati dobru volju za pomoć drugim. Poticati međusobno poštivanje, saradnju i uvažavanje tuđeg mišljenja;
- na studijska putovanja se ide zbog usvajanja znanja koja nije moguće usvojiti u školskim prostorima. Od učenika se očekuje da aktivno prate program studijskog putovanja i učestvuju u svim predviđenim aktivnostima;
- redovno prisustvovati i učestvovati u svim planiranim oblicima aktivnosti, kao i aktivnostima po nalogu vođe puta i profesora;
- čuvati svoju imovinu i voditi računa o redu i čistoći prostorija u kojima borave; - voditi brigu o urednosti i ličnoj higijeni;
- biti pozitivan i razvijati ugodno lično okruženje.

Član 7.

Cilj svih učesnika studijskog putovanja je da se dobro osjećaju i ponesu prijatne i poučne utiske sa putovanja i posjeta. Obavezno je ponašanje u skladu sa civilizacijskim normama i usvojenim pravilima.

Član 8.

Učenici mogu posjećivati samo unaprijed planirana mjesta u pratnji profesora ili osobe zadužene za tu vrstu aktivnosti od strane direktora ili vođe puta. Učenici ne mogu biti posjetioci objekata i ustanova, te korisnici smještajnih i ugostiteljskih objekata koji u svojim sadržajima nude usluge suprotne načelima i ciljevima odgojno-obrazovnog rada (učenici ne mogu biti posjetioci predstava, odnosno korisnici usluga smještajnih/ugostiteljskih objekata koji prikazuju/pružaju sadržaje neprimjerene uzrastu, odnosno psiho-fizičkom razvoju djeteta/učenika).

Član 9.

Sve predviđene aktivnosti u toku dana, uključujući i prijevoz moraju biti realizirane do 02,00 sata, kada je planiran noćni odmor.

Član 10.

Učesniku studijskog putovanja nije dozvoljeno:

- vrijeđanje i nepristojno ponašanje prema kolegama, učenicima, nastavnicima i



ostalim učesnicima studijskog putovanja, zaposlenicima turističke agencije, vozačima, hotelskom osoblju, carinicima, organima javnog reda i drugim licima sa kojim učesnici stupaju u komunikaciju;

- ometanje realizacije programiranih odgojno-obrazovnih sadržaja;
- izuzimanje bilo kog učesnika studijskog putovanja od učestvovanja u realizaciji određenog oblika odgojno-obrazovnog rada (posjeta muzeju, nalazištu, boravak, aktivnost, izlet) bez saglasnosti i pratnje odgovornih nosilaca aktivnosti tog oblika odgojno-obrazovnog rada;
- osamljivanje bilo kojeg učesnika u realizaciji aktivnosti studijskog putovanja (vozač, vodič, vođa puta, profesor) sa manje od tri učenika;
- na studijskom putovanju je za učenike zabranjeno konzumiranje duhana i duhanskih proizvoda, nošenje i korištenje alkoholnih pića i drugih opojnih sredstava. Ko na studijskom putovanju bude koristio duhanske proizvode, alkohol ili druga opojna sredstva, ili ih ponese, bit će sankcionisan u skladu sa Pravilima škole koji navedeno ponašanje svrstava u teške povrede učeničkih dužnosti.
Škola zadržava pravo da pregleda prtljag svakog učenika na studijskom putovanju. Škola će prilikom ugovaranja, zahtijevati od agencije da osigura postupanje odgovornih lica u smještajnim i ugostiteljskim objektima u smislu zabrane posluživanja alkoholnih pića i drugih opijata učesnicima, te posjete sobama drugih lica koja se ne nalaze na spisku učesnika studijskog putovanja (spisak dostavlja Agencija i škola);
- korištenje alkohola i drugih opojnih sredstava za uposlenike škole;
- neprikladno odijevanje (na studijskom putovanju nisu baš tako stroga pravila kao u školi, ali nije prihvatljivo: nositi odjeću s uvredljivim napisima, biti neuredan, oblačiti se van konteksta situacije u kojoj se nalazite...);
- remećenje reda u prijevoznom sredstvu, hotelu ili mjestu na koje smo došli učiti (muzej, historijsko nalazište, mjesto posjete, ili bilo gdje u gradu);
- nanošenje materijalne štete bilo kome i bilo gdje (pisanje, šaranje, rezanje po vratima, zidovima ili namještaju, u autobusu; razbijanje, oštećivanje i uništavanje tuđe imovine i sl.); Troškove svake štete, namjerne ili nenamjerne, nadoknađuje počinitelj (za odraslu osobu), a za učenike, njihovi roditelji.
- otuđivanje privatne, društvene ili imovine preduzeća:
- kockanje;
- pušenje;
- uvođenje životinja u prostorije;
- nošenje bilo kakve vrste oružja ili eksplozivnih sredstava;
- vika i galama bilo kada i bilo gdje;



- izazivanje ili sudjelovanje u nasilnim sukobima.

Svi nabrojani oblici neprihvatljivog ponašanja podliježu sankcijama u skladu sa Pravilima škole i pozitivnim propisima.

Član 11.

Na studijskom putovanju je obavezno pridržavati se uputa profesora zaduženog za razredno odjeljenje. Samovoljno napuštanje grupe i nepoštovanje uputa profesora sa smatra ugrožavanjem sigurnosti učenika i grupe. Zato će biti sankcionirano u skladu sa Pravilima škole. Učenici koji se neprimjereno ponašaju i ne poštuju upute profesora mogu biti vraćeni sa studijskog putovanja, a njihovo ponašanje sankcionisano.

Član 12.

Za učenika koji je na studijskom putovanju načinio teži prekršaj povratak kući će biti organiziran u dogovoru sa roditeljima/starateljima.

Član 13.

Škola će preventivno djelovati u smislu zaštite učesnika od socijalno neprihvatljivih oblika ponašanja, neprijateljstva i svih oblika nasilja sa posebnim osvrtom na vršnjačko nasilje, te u tom smislu zabraniti učešće učenicima kojima je u prethodnoj ili tekućoj školskoj godini izrečena odgojno-disciplinska mjera «ukor Nastavničkog vijeća» koja povlači ocjenu iz vladanja "loše".

Član 14.

Profesori ili osobe koje su po ovlaštenju direktora zadužene za određenu grupu učenika, dužni su imati podatke o svakom učeniku zadužene grupe. Podaci o učeniku se evidentiraju na propisanom obrascu kako slijedi:



OSNOVNI PODACI O UČENIKU/UČENICI, UČESNIKU STUDIJSKOG PUTOVANJA

Prezime i ime

učenika/ce: _____

Prezime i ime oba

roditelja: _____

Adresa

stanovanja: _____

Kontakt telefoni roditelja (kućni, mobilni oba roditelja i telefoni roditelja na
poslu): _____

—

Podaci o učeniku vezani za eventualne bolesti, specifičnosti prehrane, religijske običaje i sl.:

Svi podaci upisani u ovaj obrazac su povjerljivi i za njih je odgovorna zadužena osoba!

Razrednik ili osoba zadužena za grupu od strane

direktora: _____

Član 15.

Škola i agencija su dužne da osiguraju tajnost podataka o zdravstvenim i drugim specifičnim potrebama učenika i ostalih učesnika studijskog putovanja.



Član 16.

Agencija, škola i odgovorna osoba na studijskom putovanju imaju obavezu od preduzmu sve potrebne aktivnosti u cilju ostvarenja zdravstvene i druge zaštite učenika i ostalih učesnika na studijskom putovanju.

Član 17.

Učesnici studijskog putovanja su obavezni da sve vrijeme boravka u inostranstvu nose propisanu izkaznicu izdatu od nadležne turističke agencije, istaknutu na vidnom mjestu. Agencija će svakom učesniku studijskog putovanja izdati odgovarajuću izkaznicu koja obavezno sadrži naziv i obilježje naše države, ime i prezime učesnika, naziv škole, podatke o smještaju (naziv i adresa hotela), te ime i kontakt telefon predstavnika agencije.

Član 18.

Svi subjekti uključeni u proces realizacije studijskog putovanja obavezni su pridržavati se odredbi ovog Etičkog kodeksa.

Član 19.

Nadzor provođenja Kodeksa na studijskog putovanja vrši direktor škole ili odgovorna osoba imenovana od strane školskog odbora, na prijedlog direktora škole.

Član 20.

Kršenje odredbi Etičkog kodeksa studijskog putovanja, predstavlja osnov za pokretanje disciplinskog postupka za prekršioce (učenike i nastavno osoblje).

Postupku utvrđivanja odgovornosti podliježe i agencija - ponuđač i realizator studijskog putovanja, u slučaju neispunjavanja minimalnih kvalifikacijskih zahtjeva.

DIREKTORICA: Velida Tinjak, prof.
